



বেঙ্গলী ক্লাব ও যুবক সমিতি, লখনৌ

(Registered under Society Act XXI of 1860)

বঙ্গালী ক্লাব এবং যুবক সমিতি, লখনৌ

BENGALI CLUB & YOUNGMEN'S ASSOCIATION, LUCKNOW

নিয়মাবলী: প্রকাশচন্দ্র ঘোষ স্মৃতি সর্বভারতীয় পূর্ণাঙ্গ বাংলা নাট্য প্রতিযোগিতা

সাধারণ নিয়ম:

- ১) নাট্য প্রতিযোগিতায় বিজয়ী প্রথম স্থানাধিকারী সংস্থার প্রাপ্য স্মারক শীল্ড ফেরৎ যোগ্য।
- ২) পুরস্কার সংক্রান্ত বিস্তৃত বিবরণ:
শ্রেষ্ঠ প্রযোজনা: প্রথম, দ্বিতীয়, তৃতীয়, চতুর্থ এবং পঞ্চম। ১ম স্থানাধিকারী ১০,০০১ (দশ হাজার এক) টাকা, ২য় স্থানাধিকারী ৭,০০১ (সাত হাজার এক) টাকা, ৩য় স্থানাধিকারী ৫,০০১ (পাঁচ হাজার এক), ৪র্থ স্থানাধিকারী ৩,০০১ (তিন হাজার এক), ৫ম স্থানাধিকারী ২,০০১ (দু হাজার এক) টাকা নগদ পুরস্কার প্রাপ্ত হবেন।
শ্রেষ্ঠ পরিচালক: প্রথম, দ্বিতীয়, তৃতীয়, চতুর্থ ও পঞ্চম। শ্রেষ্ঠ অভিনেতা: প্রথম, দ্বিতীয় ও তৃতীয়। শ্রেষ্ঠ অভিনেত্রী: প্রথম, দ্বিতীয় ও তৃতীয়।
শ্রেষ্ঠ পার্শ্ব অভিনেতা: প্রথম ও দ্বিতীয়। শ্রেষ্ঠ পার্শ্ব অভিনেত্রী: প্রথম ও দ্বিতীয়। শ্রেষ্ঠ চরিত্র অভিনেতা: প্রথম। শ্রেষ্ঠ চরিত্র অভিনেত্রী: প্রথম।
শ্রেষ্ঠ শিশু শিল্পী: প্রথম ও দ্বিতীয় (বয়স ১০ বছর পর্যন্ত) মৌলিক নাটক (অনুবাদবিহীন) রচনাকার: প্রথম। স্থানীয় শ্রেষ্ঠ প্রযোজনা: প্রথম (ন্যূনতম ৩টি স্থানীয় নাট্য সংস্থার অংশগ্রহণ অনিবার্য)। মঞ্চসজ্জা, লাইট ও আবহাঙ্গিত, Dress & Make up।
- ৩) বেঙ্গলী ক্লাব ও যুবক সমিতি, লখনৌ অনুমোদিত যে কোন পূর্ণাঙ্গ বাংলা নাটক প্রতিযোগিতায় মঞ্চস্থ করা যেতে পারে।
- ৪) প্রতিযোগিতায় অংশগ্রহণকারী সমস্ত নাটকই অভুল সিংহ নাট্য মন্দির মঞ্চ, বেঙ্গলী ক্লাব ও যুবক সমিতি, ২০, শিবাজী মার্গ, লখনৌতে অভিনীত হবে।
- ৫) প্রতিযোগিতায় যোগদানের জন্য প্রবেশ মূল্য ২০০০=০০ টাকা। কেবলমাত্র অংশগ্রহণের নিশ্চয়তা প্রাপ্তির কারণে সতর্কতা মূলক জমা অর্থের পরিমাণ ১০০০=০০ টাকা। এই সতর্কতামূলক জমা অর্থ প্রতিযোগিতায় অংশগ্রহণের পরে, সংস্থার প্রত্যাবর্তনকালেই ফেরৎ দেওয়া হবে। সমস্ত অর্থই Bengali Club & Youngmen's Association, payable at Lucknow এর নামে ডিমান্ড ড্রাফটের মাধ্যমে, লখনৌ এর কোন ব্যাঙ্কের নামে আবেদন পত্রের সাথে পাঠাতে হবে, or NEFT কোন প্রকার 'চেক' গ্রহণযোগ্য নয়।
- ৬) বেঙ্গলী ক্লাব ও যুবক সমিতির সাধারণ সম্পাদকের নামে প্রেরিত আবেদন পত্র 31st July, 2017 এর রাত্রি ১০ টার মধ্যে ক্লাব কার্যালয়ে জমা করতে হবে।
- ৭) আবেদন পত্রের সাথে অংশগ্রহণকারী সংস্থাকে নাটক, নাট্যকার ও পরিচালকের নাম, চরিত্র এবং চরিত্রে অংশগ্রহণকারী ব্যক্তিদের পূর্ণ তালিকা, নাটকের কাহিনীর সারাংশ এবং অন্যান্য বিস্তারিত বিবরণ পেশ করতে হবে।
- ৮) অংশগ্রহণকারী সংস্থাকে বেঙ্গলী ক্লাব ও যুবক সমিতির সাধারণ সম্পাদকের নিকট নাটকের প্রতিলিপি জমা করতে হবে, নাট্যানুষ্ঠানের পর এই প্রতিলিপি ফেরৎ পাওয়া যাবে।
- ৯) অংশগ্রহণকারী সংস্থার নিকট প্রাপ্ত সতর্কতামূলক জমা অর্থ নাট্যানুষ্ঠানের পর প্রত্যাবর্তন কালে ফেরৎ দেওয়া হবে। যদি কোন সংস্থা আবেদন পত্র ও টাকা জমা দেবার পরে, কোন কারণে প্রতিযোগিতায় অংশগ্রহণ না করেন তাহলে জমাকৃত অর্থ ফেরৎ দেওয়া হবে না।
- ১০) বেঙ্গলী ক্লাব ও যুবক সমিতির পক্ষে লখনৌর বাইরে থেকে আসা সংস্থাগুলির থাকবার জন্য Unfurnished ব্যবস্থা করা হবে এবং এর জন্য সেই সংস্থাগুলিকে কোনো প্রকার আর্থিক দায়িত্ব বহন করতে হবে না। সংস্থার আবাসিক সুবিধার পূর্ণ মেয়াদ ৭২ ঘণ্টা মাত্র।
- ১১) ভোজন সংক্রান্ত সকল দায়িত্ব অংশগ্রহণকারী সংস্থাকেই গ্রহণ করতে হবে। কেবলমাত্র নাটক মঞ্চস্থ করার রাতে আয়োজক সমিতি অনধিক ১৫ জনের জন্য ভোজনের দায়িত্ব বহন করবে। এ ছাড়া একটি subsidised canteen এর ব্যবস্থা বেঙ্গলী ক্লাব ও যুবক সমিতির পক্ষ হইতে করা হবে।
- ১২) প্রতিযোগিতায় ন্যূনতম ৮টি নাট্য সংস্থার যোগদান অপরিহার্য। অন্যথায় প্রতিযোগিতা অনুষ্ঠিত হবে না।
- ১৩) প্রতিযোগিতার অংশগ্রহণের ১২ ঘণ্টা পূর্বে ৫ (পাঁচ) কপি করে বাংলা, হিন্দী ও ইংরাজীতে নাটকের সংক্ষিপ্তসার এবং ১৫ কপি চরিত্রলিপি (ইংরাজীতে) কার্যালয়ে জমা করতে হবে-সংবাদপত্রের জন্য।
- ১৪) আবেদনকারী নাট্যদলের বিগত তিনবছরে বিভিন্ন প্রতিযোগিতায় প্রযোজনার ফলাফলের বিবরণ (ফটোকপি) আবেদন পত্রের সাথে পাঠানো বাধ্যতামূলক।



বেঙ্গলী ক্লাব ও যুবক সমিতি, লখনৌ

(Registered under Society Act XXI of 1860)

বঙ্গালী ক্লাব এবং যুবক সমিতি, লখনউ

BENGALI CLUB & YOUNGMEN'S ASSOCIATION, LUCKNOW

- ১৫) কোনো কারণ না দেখিয়ে প্রতিযোগিতায় অংশগ্রহণ হেতু আবেদন পত্র গ্রাহ্য/অগ্রাহ্য করার সম্পূর্ণ অধিকার বেঙ্গলী ক্লাব কর্তৃপক্ষের সংরক্ষিত থাকবে।
- ১৬) যে নাটকটি প্রতিযোগিতাতে এক বার মঞ্চস্থ হয়ে গেছে। সেই দল সেই নাটক ৮ বছরের মধ্যে মঞ্চস্থ করতে পারবেন না। (এই নামে বা নাটকের নাম বদলেও মঞ্চস্থ করতে পারবেন না)।

নাট্যানুষ্ঠানের জন্য যে উপকরণগুলি দেওয়া হবে:

- ১) প্রতিযোগিতায় অংশগ্রহণকারী নাট্যদলের নিম্নলিখিত সামগ্রীগুলি মঞ্চের জন্য দেওয়া হবে।
 - ক) মঞ্চের সামনের ও পিছনের মোটা পর্দা, চারটি সাইড উইংস এবং পাঁচটি ফ্লাই লিভস।
 - খ) পুরো মঞ্চ মোট আলোর পরিমাণ ৬০০০ ওয়াটস। [প্রক্ষেপন আলো (স্পট) ডিমার সহিত ১০০০ ওয়াটস ৪ (চারটি) এবং ছোট প্রক্ষেপন আলো (বেবী স্পট) ডিমার সহিত ৫০০ ওয়াটস ৪ (চারটি)]।
- ২) পোষাক, রূপসজ্জা (মেকাপ) অতিরিক্ত মঞ্চসজ্জা ও মঞ্চ নাটকের জন্য ব্যবহার্য উপকরণ, কোন প্রকার বাদ্যযন্ত্র, শব্দযন্ত্র এবং তার ব্যবহার (মাইক্রোফোন, টেপ রেকর্ডার, হারমোনিয়ম, তবলা ইত্যাদি) অংশগ্রহণকারী সংস্থাকে নিজস্বায়ে এবং নিজ উদ্যোগে ব্যবস্থা করতে হবে।

নাট্যানুষ্ঠানের নিয়ম:

- ১) প্রত্যেক নাট্যানুষ্ঠানের সময় ন্যূনতম ১ ঘণ্টা ৩০ মিনিট (বিরতি বাদে) এবং অনধিক ২ ঘণ্টা ৪৫ মিনিটের মধ্যে (বিরতি বাদে) সমাপন করতে হবে।
- ২) প্রত্যেক নাট্যানুষ্ঠানের শুরু হবার নির্ধারিত সময় সন্ধ্যা ৭টা। প্রয়োজনে কর্তৃপক্ষ নির্ধারিত সময়ের পরিবর্তন করতে পারে।
- ৩) অংশগ্রহণকারী নাট্যসংস্থাকে মঞ্চ সজ্জার জন্য নির্ধারিত দিবসে অনুষ্ঠানের সময়ের ৮ ঘণ্টা পূর্বে মঞ্চ দেওয়া হবে।
- ৪) প্রত্যেক প্রতিযোগী সংস্থাকে তাঁদের নাট্যানুষ্ঠানের সমাপ্তির পর ৪ ঘণ্টার মধ্যে মঞ্চ থেকে যাবতীয় উপকরণ সরিয়ে নিয়ে যে অবস্থায় কর্তৃপক্ষের কাছে থেকে মঞ্চ নিয়েছিলেন সেই অবস্থায় কর্তৃপক্ষের কাছে ফেরৎ করতে হবে। অন্যথায় কর্তৃপক্ষ এই সংস্থার বিরুদ্ধে প্রতিকূল ব্যবস্থা গ্রহণ করতে পারে। (মঞ্চ (stage) কোনোরকম পেরেক ব্যবহার করা নিষিদ্ধ, কোনোরকম ক্ষতি সম্পূর্ণ দায়িত্ব নাট্যদলের)।
- ৫) যে কোনো প্রতিযোগী সংস্থার অভিনেতা/অভিনেত্রী ও পরিচালক অন্য কোন প্রতিযোগীদলে অংশগ্রহণ করতে পারবেন না।
- ৬) আয়োজক সমিতি কর্তৃক নির্বাচিত বিচারকমন্ডলীর অভিমত চূড়ান্ত অভিমতরূপে গৃহীত হবে।
- ৭) নির্ধারিত নাট্যানুষ্ঠানের চরিত্রলিপিতে কোন সাময়িক পরিবর্তন ঘটলে কমপক্ষে অনুষ্ঠানের ১২ ঘণ্টা পূর্বে আয়োজক সমিতির সাধারণ সম্পাদককে লিখিতভাবে জানানো বাধ্যতামূলক।
- ৮) প্রতিযোগিতা সম্বন্ধীয় কোন অভিযোগ থাকলে প্রতিযোগী সংস্থার নাট্যানুষ্ঠানের পর ১২ ঘণ্টার মধ্যে ১০০০ (এক হাজার) টাকা শুল্ক সহিত লিখিত আবেদন আয়োজক সমিতির সাধারণ সম্পাদকের কাছে জমা দিতে হবে। অভিযোগ প্রমাণিত হলে সংস্থা তাঁদের দেয় শুল্ক ১০০০ (এক হাজার) টাকা ফেরৎ পাবেন।
- ৯) প্রতিযোগী সংস্থার নাট্যানুষ্ঠানের নির্ধারিত দিন আয়োজক সমিতি কর্তৃক স্থির করা হবে।

বিবিধ নিয়মাবলী:

- ১) নাট্যানুষ্ঠানকালে প্রেক্ষাগৃহে প্রবেশাধিকার আয়োজক সমিতি কর্তৃক নির্ধারিত।
- ২) কোন প্রতিযোগী সংস্থা অথবা ব্যক্তি বিশেষের কোন পুরস্কার ঘোষণা করার অধিকার নেই।
- ৩) প্রতিযোগিতা চলাকালীন ক্লাবে অবস্থানকালে নাট্যদলগুলিকে নিয়মের মধ্যে চলা বাধ্যতামূলক। ক্লাব পরিসরে মদ্যপান সম্পূর্ণ বর্জিত।
- ৪) উপরোক্ত নিয়মাবলী এবং শর্তাবলীর বিভিন্ন ধারার প্রকৃত ভাবার্থ নিরূপণের চূড়ান্ত ক্ষমতা কার্যকরী সমিতি, বেঙ্গলী ক্লাব ও যুবক সমিতি, ২০ শিবাজী মার্গ, লখনৌর উপর ন্যস্ত থাকবে।
- ৫) প্রয়োজন বোধে বেঙ্গলী ক্লাব ও যুবক সমিতি, লখনৌর উপরোক্ত নিয়মাবলী এবং শর্তাবলীর পরিবর্তন, পরিমার্জন এবং পরিবর্ধনের ক্ষমতা বলবৎ থাকবে।